

Յաղագս չուերոյ Թովմաձանի ի Կոստանդնուպոլսոյ Պօղոս որդեովն ի յԵզրիպոսս
և անտի ընդ կարմիր ծով գնալն ի Ճիստե և անտի անցանկերն ի Աթրիկե և գնալն ի
Հապէշաստան ի քաղաքն Կեօսեոք:

1761 – Այլ արդ՝ յորժամ ծանեան բա-
րեկամք թէ Թովմաձանն գնալոց է յԵզրիպ-
ոսս, բազում անձինք բերին զապրանս
իբր տասն հազար զուրուշի և աղաչելով
տային թէ այսոքիկ ապրանք վաճառք
Եզրիպոսսի են. իսկ Թովմաձանն պչրա-
զլաց լինելով այսինքն նազլանմիշ ըլլալով
էառ և ետ իւրաքանչիւրոցն զընկալման
գիրս. և վասն այսորիկ ամենայն ոք բաղ-
ձայր տալ նմա զապրանս. վասն զի ի յա-
րեւելս այսպէս ապրանս տուողաց ոչ տան
զգիր, զի չէ օրէն:

Արդ գնացեալ Թովմաձանն եգիտ գնաւ
մի որ ի Քանտիա կղզին գնալոց էր և
անտի ի յԵզրիպոսս. և եմուտ Թովմաձան
ընդ Պօղոս որդեոյ իւրոյ անդր ընդ իւր ու-
նելով զիւր զապրանսն, և զօտարի զա-
պրանսն ծածկելով ի թաքստի ապահով
տեղուջ: Եւ մահտեսի Ռաստի որդի Ակոր
աղան որ էր փեսայ քեռն Թովմաձանի,
ծանեալ թէ ի Քանտիա գնալոց է նաւն,
ասէ ցԹովմաձանն. Տաց քեզ գիր մի մեր
Սորասալան Ահմէտ Բաշային որ է ի Քան-
տիա և ունիմ ի վերայ նորա զառնելիս
80 քսակ և զորքանս շահեսցես յիմ զբա-
մոց կէսն քեզ լիցի: Եւ ետ զգիրն հան-
դերձ յանձնարարութեամբ:

1762 – Եւ առեալ Թովմաձանին զայն
գիրն ել ի Կոստանդնուպոլսոյ 1762 Սեպտ.
28ին և Հոկտ. 25ին հասաւ ի Քանտիայի
Սուտան մերձ ի Յանէա: Եւ այս Սուտայի
նաւահանգիստն տասն մղոնաւ երկայն և
խոր է, և ի բերան նաւահանգստին ի վերայ
ապառաժ քարի գոյ ամուր բերդ մի, և ի
Յանէա քաղաքն եւ շրջապատն ամուր Ս.
Մարկոսի նշանաւ բերդ է որ ի Վենե-
տիկցւոց շինեալ է: Եւ աստ ի Սուտա և
ի Յանէա նստան աւուրս վեց և ապա ելեալ
անտի 20 մղոնիւք հեռի հասին ի Քան-
տիա: Եւ Թովմաձանն զառեալ գիրն ի

Յակոր աղա Ըռաստեանէն տարեալ ետ
Սորասալան Ահմէտ բաշային, և նա սի-
րով ընկալաւ գնա, և եղ ընդ վաճառա-
պետին իւրոյ զաղատացի Քըլճըօղլու հոճայ
Յովհաննէսին. և եւս ետ թայինթայանաղ
այսինքն ապրուստ լիովին: Սակայն վասն
աննելեացն Ակոր աղային այժմ ոչ է ժա-
մանակ զալուստն մեր զբամոց, և յետ
երից ամսոց գան և ես յայնժամ առաքե-
ցից առ նա ասելով՝ ոչ ինչ ետ ի զբա-
մոց նորա. և դու, ասէ եթէ ունիս զըն-
տիր ինչ յակնեղինաց բեր տեսցուք ասաց.
և Թովմաձանն տարաւ ընդ իւր եղեալ
զակնեղէնսն և զմի մատանի տամլա թե-
ղին եագութ կամեցաւ գնել բաշան, և
գնեաց 550 դահեկանաւ և իսկոյն ետ
զղբամն: Գոյր եւս մին բանած մէրջան
թրոյ զապզէ որոյ գոյր եւս մին բանած
մէրջան թրոյ զապզէ որոյ պալջախն սոմ
սըվամա պուանդի էլմասով զարդարեալ
էր. եհարց զգիրն. իբրեւ լուաւ թէ 6000
դահեկանի է՝ հրաժարեցաւ ասելով թէ
դու երթալու ես, և ես այժմ ոչ ունիմ
զբամս. և յոյժ ընտանեցաւ ընդ Թովմա-
ձանին: Եւ եւս ետ նմա յանձնարարական
գիրս առ մեծամեծս Եզրիպոսսի. զի երկու
տարի յառաջ Եզրիպոսսի Բաշայ էր: Եւ
Թովմաձանն շրջեցաւ ի բոլոր քաղաքն և
ի ամուր բերդն Քանտիայու, որ և սա ի
Վենետիկցւոց շինեալ էր. որ և զամս ու-
թուտանսն պատերազմելով օսմանցին հազիւ
թէ առեալ է: Եւ Թովմաձանն կացեալ ի
Քանտիա աւուրս 24, ել ի Նոյ. 24ին, և
29 հասաւ ի յԱլեքսանդրիա ընդ որդույն
իւրոյ Պօղոսի, և գնացեալ ի ջեւանեցաւ ի
վանս Յըրանջիսկան բաթերայից, որոյ
մեծաւորին անունն էր բատրէ Պօնավեն-
թուրա՝ բրէճիտէնթի տի զունվանթոյ տի
սանդակատարինա, ուրախ սանֆասոն
օրհնեալ մարդ էր: Եւ զործակալ այսր